



010000, Астана қ., Бейбітшілік қ-сі, 11 үй
тел.: /7172/ 55-66-31, факс: 55-72-94

010000, г. Астана, ул. Бейбитшилик, 11
тел.: /7172/ 55-66-31, факс: 55-72-94

№

05.10.2022 № 7 ге

Тұрақты комиссияның 2022 жылғы 5 қазандағы қаулысы

Алдағы кезеңге арналған бюджетті жоспарлау шеңберінде әлеуметтік саланың проблемалық мәселелері туралы

Астана қаласы мәслихатының әлеуметтік-мәдени даму мәселелері жөніндегі тұрақты комиссиясы (бұдан әрі - Тұрақты комиссия) жергілікті атқарушы органның алдағы кезеңге арналған бюджетті жоспарлау шеңберінде әлеуметтік саланың проблемалық мәселелері туралы ақпаратын тыңдап және талқылап, мыналарды атап өтеді.

Астана қаласы мәслихатының 2017 жылғы 12 желтоқсандағы №221/25-VI шешімімен бекітілген Астана қаласында әлеуметтік көмек көрсету, оның мөлшерлерін белгілеу және мұқтаж азаматтардың жекелеген санаттарының тізбесін айқындау қағидаларына сәйкес Мүгедектігі бар жандар күніне орай біржолғы ақшалай төлемнің мөлшері 2,5 АЕК (7 950 теңге) құрайды. Алайда, бұл төлем мөлшері аз, сондықтан оны арттыру қажет. Отырыс барысында депутаттар бұл төлемді келесі жылдан бастап арттыруды ұсынды.

Жылдан жылға инватакси қызметтерін ұсыну үшін мамандандырылған автомобильдердің жеткіліксіздігі, осы қызметті көрсету сапасының төмендігі проблемалары өзекті болып қала береді. Осы мәселені шешу мақсатында инватакси қызметін монетизациялау немесе осы қызметті бәсекелестік ортаға беру мүмкіндігін зерделеу ұсынылады.

Қазіргі уақытта елордада оңалту орталықтарының құрылысы жүргізілуде, алайда бұл ұзақ процесс, осыған байланысты құрылыс кезеңінде оңалту орталықтарын қолданыстағы ғимараттарға орналастыру мақсатында жұмыс тобын құру қажет.

Даун синдромы және аутизмі бар балалардың ата-аналарынан девиантты мінез-құлқы бар балаларға стоматологиялық емдеу кезінде анестезиолог қызметінің жоқтығы бойынша шағымдар түседі. Сонымен қатар, нормативтік

актілерде Spina bifida диагнозы қойылған ересектерге урологиялық катетерлерді ұсыну қарастырылмаған.

Жоғарыда айтылғандардың негізінде Астана қаласы мәслихатының әлеуметтік-мәдени даму мәселелері жөніндегі тұрақты комиссиясы **ҚАУЛЫ ЕТТІ:**

1. Әлеуметтік саланың проблемалық мәселелері туралы ақпарат назарға алынсын.

2. Астана қаласының әкімдігіне (Астана қаласы әкімінің жетекшілік ететін орынбасары):

мәслихатқа Мүгедектігі бар жандар күніне орай біржолғы ақшалай төлемнің мөлшерін ұлғайту жөнінде шешімнің жобасы енгізілсін;

әкімдіктің ведомстволық бағынысты ұйымдарында мүгедектігі бар адамдарды жұмысқа орналастыру жөнінде шаралар қабылдау және осы бағытта жүргізіліп жатқан жұмыстар туралы ақпарат беру;

инватакси қызметін монетизациялау немесе осы қызметті бәсекелестік ортаға беру мүмкіндігін зерделеу;

құрылыс кезеңінде оңалту орталықтарын қолда бар ғимараттарға орналастыру мақсатында жұмыс тобын құру;

девиантты мінез-құлқы бар балаларды стоматологиялық емдеу кезінде анестезиолог қызметтерін ұсынуды көздеу;

нормативтік актілерге Spina Bifida диагнозы қойылған ересектерге урологиялық катетерлерді ұсыну жөнінде өзгерістер енгізу мүмкіндігін қарастыру;

қаланың бірнеше мектептерінде бес жылдық кезеңге мектептік тамақтану бойынша пилоттық жоба енгізу;

әлеуметтік саладағы проблемалық мәселелердің тізбесін, осы проблемаларды шешу үшін құзыретті мемлекеттік органдарды көрсете отырып, оларды шешу жолдарын ұсыну ұсынылсын.

3. Осы қаулының орындалуы бойынша ақпарат қалалық мәслихатқа бір ай мерзімде берілсін.

**Астана қаласы мәслихатының
әлеуметтік-мәдени даму мәселелері жөніндегі
тұрақты комиссиясының төрағасы**



А. Табулдина